



## Publicaziuns dalla vischnaunca, jamna 38

### Eleccziuns communalas e votaziuns federalas

L'urna principala en casa communalas ei aviarta sco suonda:

**Dumengia, ils 25-9-2016, 9.00–11.00**

*Remarca:* Muort il pign interess da serender la sonda all'urna, ha la suprastonza communalas decidu d'arver mo pli la dumengia l'urna. Varga 90% dallas votantas e dils votants nezegian la pusseivladad da votar sin via da corrispondenza.

La documentaziun da votar duess mintga votant/a haver obtenu. Cass cuntrari san ins s'annunziar immediatamein, denton **sil pli tard entochen venderdis, ils 23 da settember 2016, allas 17.00**, tier l'administraziun communalas (tel. 081 920 36 36)

### Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** quella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vus haveis obtenu la documentaziun da votaziun.
3. La cuviarta ch'ei adressada all'administraziun communalas saveis Vus tarmetter cun posta (suppli cau da francar) ni directamein fierer en la scaffa da brevs dalla casa communalas.

Ils cedels da votar ston esser sil pli tard la dumengia, ils 25 da settember 2016 allas 11.00 tier l'administraziun communalas.

**Aschinavon ch'ei vegn buca risguardau sura instrucziuns da votar, ein ils cedels da votar nun-valeivels.**

*Suprastonza communalas*

---

### Damondas da baghegiar

#### 2016-1054.000

**Datum dalla publicaziun: ils 23 da settember 2016**

Il patrun: Nicolas e Christa Lindt Ferchacherstrasse 14, 8636 Wald ZH

Il representant: Coray Capaul architectura e habitar GmbH, Via Lucmagn 4, 7180 Disentis/Mustér

Object: Engrondaziun dalla casa, parcella 1113, Via Muot Selvaun 8, 7186 Segnas

#### 2016-1055.000

**Datum dalla publicaziun: ils 23 da settember 2016**

Il patrun: Mario ed Iris Lombris-Manetsch Via Dulezi 6, 7180 Disentis/Mustér

Il representant: Gion Albin SA, Via Funs-Dado 3, 7180 Disentis/Mustér

Object: Colurar las fatschadas dalla casa e remplazzar la cuvrada dil tetg, casa sin parcella 644, Via Dulezi 6, 7180 Disentis/Mustér.

- Ils plans da construcziun ein deponi tier l'administraziun communalas.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 20 da settember 2016

*Uffeci da baghegiar Disentis/Mustér*

---



## Taxa da cumpensaziun da pumpiers 2016

Tenor art. 15 dalla lescha da pumpiers dalla vischnaunca da Mustér ein students ed emprendists entochen 25 onns deliberai dalla taxa da cumpensaziun. Sur 25 onns ei b'entira taxa debitada. Termin da tagl ei ils 30 da settember. Ei dat negins quens pro rata.

Nus fagein attents tut ils students ed emprendists sur 21 onns d'inoltrar a scret ina confirmaziun actuala dalla scola ni digl emprendissadi. Il mussament ei da tarmetter entochen sil pli tard **venderdis, ils 30 da settember 2016** all'administraziun communal, caum postal 57, 7180 Disentis/Mustér ni per e-mail (galbin@disentis.ch). Mo cun ina confirmaziun a scret sa la deliberaziun vegnir risguardada. Gia ordavon grond engraziament per las breigias.

*Administraziun communal Disentis/Mustér*

---

## Vischnaunca Disentis/Mustér – Zona da planisaziun

### Legislaziun communal davart habitaziuns secundaras

Sebasond sin art. 21 dalla lescha davart la planisaziun dil territori pil cantun Grischun (LPT) ha la suprastanza communal decidiu a caschun da sia seduta dils 19 da settember 2016 da relaschar sugl entir territori dalla vischnaunca da Disentis/Mustér ina zona da planisaziun cun suandonta finamira: Examinar mesiras complementaras tier la lescha federala davart habitaziuns secundaras (ZwG) dils 20 da mars 2015 (art. 3 al. 2 ZwG) concernent l'exclusiun ni restricziun (a) digl art. 8 al. 4 ZwG (midada da diever da menaschis da loschament structurai e nunrentabels en habitaziuns secundaras senza restricziun da diever) e (b) digl art. 9 al. 1 ZwG per menaschis da loschament structurai existents.

La zona da planisaziun vala ad interim per dus onns. Enteifer la zona da planisaziun eis ei buca lubiu d'interpreter enzatgei che savess engrevegiar ni cunterfar alla nova planisaziun. En special astgan projects da baghegiar mo vegnir lubi, sch'els cunterfan buca allas prescripziuns legalmein valeivlas sco era buca alla nova planisaziun ed allas novas prescripziuns previdas (art. 21 al. 2 LPT).

Encunter quei conclus sa vegnir recurriu enteifer 30 dis dapi la publicaziun officiala da planisaziun alla Regenza dil cantun Grischun (art. 101 LPT).

Disentis/Mustér, ils 20 da settember 2016  
*Suprastanza communal*

---

## Controlla da habitonts

### Mortoris

Leonhard Spescha-Imhof, naschius ils 11 da mars 1932, morts ils 18 da settember 2016.

Giachen Giusep Riedi-Columberg, naschius ils 17 da settember 1925, morts ils 19 da settember 2016.

Stiafen Riedi, naschius ils 25 da december 1930, morts ils 20 da settember 2016.

---

## Rimnada da pupi

### Venderdis, ils 7-10-2016

*Adatg! Ei vegn mo rimnau:* gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziell.

Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e las sondas (10.00–12.00) e buca duront la rimnada. Bien engraziament per Vies agid e sustegn!

*Scolas Mustér, Ch. Berger*

---



## Colonna d'agid Mustér

### Cuors da reiver per affons

Gia dapi biars onns organischescha la Colonna d'agid Mustér mintga stad cuors da reiver per affons. Per dar era igl atun la pussevliadad da trenar da reiver vegn organisau durant 8 mesjamnas sera in cuors da reiver per affons dallas annadas 2008 entochen 2004.

Liug: Halla da reiver el Center da sport e cultura, Mustér Entschatta: **Mesjamna, ils 26-10-2016** entochen mezz december 2016

Annadas 2008 entochen 2004, 17.30–19.00

Menaders: Commembers dalla Colonna d'agid Mustér cun brevet Giuventetgna + sport

Annunzias: Entochen gliendisdis, ils 24-10-2016 alla Colonna d'agid Mustér, Otmar Venzin, tel. 079 381 25 52.

Segirada ei caussa da mintga participontA.

*Colonna d'agid Mustér*

---

## Uniun da dunnas Mustér

### Gruppa da seruschnar/termagliar

La gruppa da seruschnar/termagliar envida tut ils affons entochen treis onns, ensemen cun lur mummas ni era babs e fargliuns, da passentar in bi suentermiezdi da cumpignia. Als affons vegn purschii in ambient cumadeivel per termagliar ferton che las mummas/ils babs san sediscutar in cun l'auter. Ei vegn purschii caffè, te ed aua.

Datum: **mardis, ils 27 da settember 2016**, 14.30–16.00

Liug: Casa da scola Segnas, local Artgin

Per ulteriur sclariment saveis Vus contactar Daniela Schmed sut 076 404 82 69

---

## Cuors da seriscuder e prevenziun

Il post da lavur da giuventetgna Cadi organischescha il meins d'october a Mustér ils suandonts cuors da seriscuder e prevenziun per scolaras e scolaras dalla Cadi:

- Wen-Do per scolaras dil scalem superiuor
- Jiu Jitsu per scolaras dil scalem superiuor e giuvens ord scola

Las informaziuns en detagl ed il cedel d'annunzia anfleis sin nossa pagina d'internet [www.giuventetgnacadi.ch](http://www.giuventetgnacadi.ch).

Per damondas stein bugen a disposiziun. Il termin d'annunzia ei tochen ils 30 da settember.

---

## Uniun da gimnastica UGM

La gimnastica per seniors e giuvens seniors entscheiva **gliendisdis, ils 26 da settember** allas 20.00 sco usitau el center da sport e cultura. Novits ein cordialmein beinvegni.

Amicabels salids *la suprastanza*

---

## Sentupada dils Lumnezians che vivan a Mustér

La sentupada dallas Lumnezianas e dils Lumnezians che vivan a Mustér ha liug **sonda, ils 29-10-2016** allas 18.30 el hotel «Rhätia» a Mustér.

Las invitaziuns persunalas cul talun d'annunzia ein vegnidas repartidas e nus sperein che nus hagen contactau tuts pertuccai. Sche in ni l'auter Lumnezian che viva a Mustér ha buca survegniu l'invitaziun, sa el bugen prender si contact culs organisateurs pertuccond ils detagls. Nus selegrein sin ina interessanta sentupada.

Cun cordials salids *ils organisateurs: Foppa Claudia, Giger Martina, Blumenthal Victor*

---



**Vortrag: Beeinflussen Wölfe den Wildverbiss?**

**Dienstag, 4. Oktober 2016**, 20.15 Uhr, Center sursilvan d'agricultura, Salaplauna Disentis. Die Schafhirtin der Greina, Laura Huber-Eustachi, hat in einer Arbeit untersucht, ob das Vorkommen von Grossraubtieren wie Wölfen sich auf den Pflanzenverbiss durch Rothirsche und andere Wildtiere auswirkt. Ihre Untersuchung hat sie in den slowenischen Alpen durchgeführt. Nachdem die Schafe von der Greina abgezogen sind, wird sie uns von ihrer Arbeit und den Resultaten dieser Untersuchung berichten. Eintritt frei, Kollekte.

---

**Frauenturnverein Disentis**

Unsere Daten für das «Line-Dance»-Angebot 1 x im Monat lauten wie folgt: Donnerstag, 29. September, 3. November, 1. Dezember 2016 und 12. Januar 2017 um 20.00 Uhr im Center da sport e cultura in Disentis. Wir laden alle Tanzbegeisterten ein, bei uns hereinzuschauen. (Tel. 079 672 50 46)

*Vorstand Uniun da gimnastica da dunnas Mustér*

---

**Uniun da gimnastica da dunnas Mustér**

Las datas per nossa purschida: «Line-Dance» 1 x permeins ein: Gievgia, ils 29 da settember, ils 3 da november, igl 1. da december 2016 ed ils 12 da schaner 2017, allas 20.00 el Center da sport e cultura Mustér. Nus envidein en tuttas interessadas pil sault. Mirei en la halla da gimnastica! (tel. 079 672 50 46)

*El num dalla suprastonza*

---